

NOVENA

Ea bobuelli

ba

mosebeletsi oa Molimo

'M'E BERNARDA HEIMGARTNER

Mohlomi oa Baitlami

Ba Sefapano se Halalelang



Difensterere ka tlung ea thapelo ea 'Mè
Bernarda, Mutter House, Menzingen

SELELEKELA

Hammoho le lingoloa tse kopang 'm'e Bernarda ho re buella, Novena ena e reretsoe ho manolla makhabane a mosebeletsi oa Molimo. Ka ho etsa joalo e imatahanya le mantsoe a ngotsoeng ke Mopapa Pius XII ha ho ketekeloa lilemo tse lekholo tsa ho thehoa ha Kopano ea Menzingene, (Baitlami ba Sefapano se Halalelang). Mantsoe a neng a hlompha boholo ba moea oa Molimo ho 'm'e Bernarda. "Divine Providence e entse hore Mohlomi le 'm'e oa lona oa pele 'm'e Bernarda Heimgartner, mosali ea tletseng Molimo, ea borapeli bo tebileng 'me ea seli, ea sebete le mojari oa sefapano ka boiphapanyo le eena hammoho le lelapa le ntseng le hola, o ts'oanetse hore a bitsoe ka ho khetholoha tlas'a lets`oao le pholosang la topollo."

Setsoantso sena sa 'm'e Bernarda se tsamaisana tsela le ba rapelang Novena e latelang ea matsatsi a robong bobuelling ba mosebeletsi oa Molimo. Mohlomong ka nako e 'ngoe e ka sebetsa e le motlelara bakeng sa tsela ea rona ea bophelo.



Letsatsi la pele

'M'e Bernarda Mohlomi Oa Kopano

'M'e Bernarda e bile mocha oa pele ho kopana le ntate Theodosius Florentini, OFM Cap, ho mo thusa hore meralo ea hae e behe litholoana. A sa le mocha ha kaalo o bonts'itse ka mokhoa o tsotelang tsebo ea ho kena meralong ea ho theha Kopano ea Baitlami ba rutang ba Sefapano bakeng la ho ruta likolong tsa mathomo. Sena o se entse nakong eo matlo a baitlami a neng a koaloa le ho thibelo ho tsoela-pele ka ts'ebetso ea 'ona ke 'muso oa lihlahlaka-hlohoana tsa maikutlo a tsona li le ling. Le ntlo ea Maria Kronung ea baitlami moo a qalileng koetliso ea mosebetsi oa hae le boitlami, ha e ea ba mokhelo. Ha a ka khathala matla leha ntate Theodosius a ile a tsoa kahar'a naha ho baleha lihloriso tsa 'muso. Ka tokiso ea ntate Theodosius, mocha enoa o ile a ea Kopanong ea Ma-Ursuline Freiburg e Breisgau 'me hamorao a ea ho baitlami ba sekolo sa Divine Providence mane Rebeauville naheng ea Fora (France) ho nts'etsa boikoetliso ba hae pele.

Ha ntate Theodosius pherekanong ea hae a hlahisa maikutlo a hore a kene Kopanong ea baikoalli – Ma-Ursuline e Lucerne, a mo latolela. A hapjoa ke ho ea ruta likolong tse nkang bana bohle joalokaha esale e le kelellong ea hae ho tloha sethathong. A tsoela-pele ho lumela hore monyetla o

sa le teng oa ho bona morero oa ntate Theodosius o phethahala. Ha fela ha e-ba joalo. Ka 1844 ke ha Kopano ea Baitlami ba rutang e thehoa Menzingen. 'M'e Bernarda a e tataisa ka seli le sebete maamong a thata a lilemo tsa ho qala 'me ea e-ba nako ea teko. Ho bile le linako tse boima, ho le teng ho kikitlala ho bolokeng sepheo sa mantlha le ho ts'oaeloa Francis joalokaha ho ne ho hlahella melaong ea Kopano.

Ka lehlakoreng le leng, ho kikitlala hona ho ne ho bakoa ke ntate Theodosius ka litlhaliso tsa hae tse ropohang feela leha maemo a sa lumele, hape ka lehlakoreng le leng motataisi oa meea, oa Kopano, Abbot Birker oa Kopano ea Benedict ha a leka ho etsa lintlafatso 'me a re baitlami e be bathusi ba Kopano ea Benedict. Ka bots'epehi ba hae, thomong eo a e filoeng sethathong, le boikarabello ba hae, 'm'e Bernarda a sireletsa Kopano hore e se lahleheloe ke boleng ba eona, 'me a bona hore bophelo ba eona bo tsoelapele hoo Mopapa a ileng a nepa ha a re ke eena mohloimi.

Thapelo: Ntate ea Maholimong, kea u leboha ka mosebetsi oa grasia ea hao bophelong ba 'm'e Bernarda. Ka eena, ke beha ho uena ho ts'oenyeha ho hoholo hoa ka 'me ke rapella matla le sebete sa ho etsa mosebetsi oo ke o filoeng ka moea oa sekriste. **Letlotlo le be ho Ntate**.....

Letsatsi la Bobeli

'M'e Bernarda 'M'e Oa Pele Oa Lelapa La Baitlami

Baitlami ba ne ba kopane ka lerato la 'nete, ba ne ba khotsofetse 'me ba thabile; ba ne ba tseba hore 'm'e ea nang le lerato oa ba tsotella. Ana ke mantsoe a Sister Felizitas ho tsoa pokellong ea hae ka 'm'e Bernarda. Ho ba 'm'e ea lerato, ho 'm'e Berarda ho ne ho bolela boitebalo, le ho hopola batho ba bang, ho fana ka boelets'i linthong tse kholo kapa tse 'nyane le hona ho fana ka ts'ehetso e bonahalang. O ne a ela hloko e mong le e mong ea kulang, a bona hore ba fumana litlhare le tsohle tse ka thusang bakeng sa pholo. O ne a tsotella mokhoa oa bona oa ho ja esitana le boemo ba bolulo libakeng tse thoko ho ntlo-kholo e leng moo ba rutang esitana le likamano tsa bona le barutuo, le ba boholong. O ne a abelana le baitlami ba kalosong ea hae tsa semoea le litlhoko tsa bophelo. Joaloka 'm'e ea lerato o ne a tseba ho tsoarela mefokolo ea bona.

Thapelo: Ntate ea Maholimong ka mosebetsi oa grasia ea hao bophelong ba 'm'e Bernarda, nthuse ho tsoelapele ho itebala. Ka bobuelli ba hae ke beha ho Uena merero eohle eo ke kopiloeng ho e rapella esita le merero ea ka.

Letlotlo le be ho Ntate.....

Letsatsi la Boraro

'M'e Bernarda mosali ea tletseng moea oa Molimo

Seo 'm'e Bernarda a neng a se rata ka ho fetisisa ha a ne a ruta ka thapelo, ke khopolo ea Molimo ea entseng lehae kahare ho bolumeli. Ha ngata mangolong a hae ho baitlami o ne a ngola sehlooho sena: "Jesu a ke a phele lipelong tsa rona." Ha a ngolla e mong oa baitlami ba hae o re: "Molimo o pel'a hao leha o sa utloe letho. O u shebile 'me o nonya bots'epehi ba hao, uena lumela hore o patehile botebong ba pelo ea hao, e le malala-a-laotsoe ho fana ka thuso nakong eo e hlokahalang." Hape lengolong la hae ho moitlami ea neng a phela Buochs re utloa a re: "Nka rata ho tseba hore na boteng ba Morena Molimo bo bolokoa ka mokhoa o ikhethang kaha khutso ea kahare e le sehlohlole se lebisang kholong ea makhabane le phetheho."

Thapelo: Ntate ea maholimong, kea u leboha ka mosebetsi oa grasia ea hao bophelong ba 'm'e Bernarda. Ka bobuelli ba hae ak'u mphe grasia ea tumelo e matla ho boteng ba hao linthong tsohle tsa tumelo. Hape ke kopa thuso ea hao taba-tabelong ea ka e kholo ea ha joale.

Letlotlo le be ho Ntate.....

Letsatsi la Bone

'M'e Bernada mosali ea borapeli bo tebileng

"M'e Bernarda e ne e le mosali oa thapelo." Mantsoe ana kea Sr. Felizitas ho tsoa lingoloeng tsa hae. Maikutlo ana a ts'oana lea ba bang ba balileng lingoloa tsa 'm'e Bernada. 'Nete ke hore o ne a ts'oha a buile ka bophelo ba hae ba thapelo. Empa 'nete, bolokolohi ba puo le moea oa thabo, tse hlahang bukeng ea hae ea litaba tsa letsatsi le letsatsi, le mangolo a neng a ngolloa baitlami, ha li sisee khoao manoning a bophelo ba hae ba semoea boitlaming ba hae. Lengolong la hae la 8 Tlhakubele 1852, mohlala: A fana ka boeletsisi bo matla ho baitlami ba banyane le manovice: "Ratang thapelo le be le e poratise hohle moo ho lumelehang. Lebellang tse kholo, e, tsohle li tsoa ho Morena Molimo."

Ha hona lengolo le neng le tsoa ho 'm'e Bernarda leo a neng a sa kope thapelo bakeng la hae le ba bang.

Thapelo: Ntate ea maholimong, kea u leboha ka mosebetsi oa grasia ea Hao bophelong ba 'm'e Bernarda. Ka eena ke kopa cheseho e se nang boikhabo thapelong ea letsatsi hape ke kopa thuso mererong ea ka e potlakileng.

Letlotlo le be ho Ntate.....

Letsatsi la Bohlano

'M'e Bernarda mosali ea seli

Ho tsoa mangolong a 'm'e Bernarda, motho o bona ho hloka qea-qeo boinehelong ho tse lebisang bophelong ba sekriste kaha ho le molemo ho mamella ka boiphapanyo liteko tsa nako ena e khuts`oanyane lefats`eng. Kahoo a khothatsa moitlami e mong: "Eba le thabo mahlokong; e tla ba thabo ea hao ka letsatsi le leng." Leha a ne a atisa ho bua ka bokamoso tataiso ea 'm'e Bernarda ea lelapa e ne e le ea 'nete. O ne a tseba koetliso ea 'nete ea boitlami le ea mosebetsi oa ho ruta e neng e hlokahala ho moitlami ea rutang 'me o ne a ngongoreha haholo ke taba ena. Hape o ne a tseba hore bophelong ba semoea ntho e 'ngoe le e 'ngoe e hloka nako 'me a utloisisa hore mefokolo ea botho ke ntho e teng.

Thapelo:Ntate ea maholimong, kea u leboha ka mosebetsi oa grasia ea hao bophelong ba 'm'e Bernarda. Ka bobuelli ba hae ke rapella mpho ea ho ba seli liqetong tsohle tsa ka hape ke kopa thuso mererong ea ka ea joale.

Lettlotlo le be ho Ntate.....

Letsatsi la Bots`elela

'M'e Bernarda mosali ea sebete le mojari oa Sefapano ka boiphapanyo

Boeletsisi le khothatso tsa 'm'e Bernarda ho baitlami nakong ea mahloko o li okha bophelong ba hae. Ka seo a se latsoitseng o tseba ho khothatsa baitlami: "Pelo tsa lona li se nyahame, empa le ts'epe Molimo, le ikokobetse, 'me le iphapanye mahlokong. Molimo ea lokileng o tla le hlokomela. Re qalile hanyane ka bofuma empa haesale Morena Molimo a re thusa nakong eo re hlokanang. 'Nete ke hore ke ne ke sebetsa ka thata ho thusa, 'me ha se ho bolela hore ke ne ke sa ts'oenyeha le ho utloa bohloko, empa hoja e se be ka lihlabelo tseo re li entseng ka thabo bakeng la Jesu le ho bonts'a boithatelo bo botle. U re thusa ho mamella, oa re hlokomela le ho re matlafatsa."

Thapelo: Ntate ea maholimong, kea u leboha ka mosebetsi oa grasia ea hao bophelong ba 'm'e Bernarda. Ka bobuelli ba hae ke kopa sebete le boiphapanyo mahlokong hape le thuso tlhokong ea ka e kholo ha joale.

Letlotlo le be ho Ntate.....

Letsatsi la Bosupa

'M'e Bernarda o bolokiloe ke ts`epo e kholo phanong ea Molimo (God's Providence)

'M'e Bernarda o ne a ena le matla a khethehileng ka hobane o ne a lumela ho tataisoa ke Morena Molimo. Tumelo ena e ile ea behoa tekong e boima hoba kamor'a selemo le halofo Kopano e thehiloe, bookameli ba Ntate Theodosius ba mo hanela ho ikamahanya le Kopano ka eng kapa eng.

Lingoloeng tsa hae tsa letsatsi le letsatsi o ngotse tjena: "Ho tloha ka oona motsotso ona, motataisi oa rona oa mathomo ha a sa na thabo ea ho nts`etsa mosebetsi o qaliloeng ka bokhabane le ka boinehelo bo boholo. Leha ho le joalo, ha rea ka ra itumella ho khathala matla ka lona lebaka leo; re ile ra beha ts`epo ea rona ho morena Molimo, le teng re ananela thato ea hae e Halalelang, ke nahana hore tsohle o tla li beha malulong tlotlisong ea hae le molemong oa rona."

Thapelo:Ntate ea maholimong, kea u leboha ka mosebetsi oa grasia ea hao bophelong ba 'm'e Bernarda. Eketsa ts`epo ea ka bohlaeng ba phano ea hao, 'me u nts`itse ka thuso tlhokong ea ka e kholo bobuelling ba 'm'e Bernarda.

Letlotlo le be ho Ntate.....

Letsatsi la Borobeli

'M'e Bernarda tlas'a lets`oao la Topollo

Ba tsebang bophelo ba 'm'e Bernarda ba le haufi le eena, ba tseba hore kaholimo ho tsohle e ne e le boikarabello ba hae holim'a Kopano nakong ea bothata le maemo a neng a rena, tse ileng tsa pitla mookameli-kakaretso, tseo eena a inots`i a ileng a li mamella nako e telele.

Ba ileng ba khethoa hore ebe bats`ehetsi ba hae ea e ba Sefapano sa hae. Hore ebe o bone kahare ho Sefapano sena lets`oao la topollo, ho senoloa ke mantsoe a hae lengolong la hae ho mookameli, Joseph Rollin le ho baitlami ba mo tlatsitseng ts`ebetsong. "Ka lilemo tse leshome le metso e ts`eletseng ke mameletse boima ba ho ba mookameli. Bohloko boo ke bo utloileng nakong eo, bo tsejoa ke Molimo. Kea ts`epa o tla bo amohela e le puseletso bakeng la libe tsa ka tse ngata le eona mefokolo ea ka."

Thapelo: Ntate ea maholimong, kea u leboha ka mosebetsi oa grasia ea hao bophelong ba 'm'e Bernarda. Nthuse ho utloisisa Sefapano sa ka hantle ho feta pele e le lets`oao la topollo hape ke kopa grasia ea ho se jara ka boiphapanyo. Ka 'm'e Bernarda ke beha ho uena lithoko le merero ea ka ea joale.

Letlotlo le be ho Ntate.....

Letsatsi la Borobong

'M'e Bernarda le Kopano ea hae

Hore ebe lelapa la 'm'e Bernarda la baitlami le lona le behiloe ka mokhoa o khethehileng tlas'a lets'oao la Topollo, e bile seo baitlami ba se latsoitseng selemo sa pele sa qaleho ea Kopano, e bile selemo sa bofuma bo ts'abehang. Ka baka leo ba itheha lebitso lena: "Baitlami ba Sefapano se Halalelang." Hammoho le 'm'e Bernarda ba ile ba mamella ka sebete le ka bots'ephehi boima ba mathata a lilemo tse hlahlamang, ka ho khetholoha, bohloko ba ho ba thoko le mohlomi oa Kopano kamor'a hore Mobishopo oa Basle le oa Chur ba hanyetse qeto ea ho kopanya Kopano tse peli e leng; "Baitlami ba rutang le Baitlami ba Mohau."

Leha ho le joalo ba ile ba 'na ba tsoela-pele ho fumana tlhohonolofatso tsa Sefapano khafetsa. Ka hona 'm'e Bernarda ka selemo sa 1855 a ngolla Mobishopo Carl Arnold mantsoe ana: "Kopano e leboha ea Holimo ka ts'ireletso le tlhohonolofatso ea Hae."

Thapelo: Ntate ea maholimong kea u leboha ka mosebetsi oa grasia ea Hao bophelong ba 'm'e Bernarda, hape ke kopa hore u nthuse ho jara Sefapano sa ka hore e tle e be bakeng la pholoho ea ka.

Letlotlo le be ho Ntate.....